

UGOVOR O POSLOVNOJ SURADNJI

Dana 28.5.2025. godine zaključen je Ugovor o poslovnoj suradnji između:

1. **Putnička agencija All Travel d.o.o.**, ID broj 4203384150007, sa sjedištem na adresi Terezija bb, Sarajevo, transakcijski račun otvoren kod Ziraat Bank broj: 186 121 031 111 3932, a kojeg zastupa direktorica Sandra Milanović (u daljem tekstu: Prodavac),
2. **Samostalni sindikat državnih službenika i namještenika u organima državne službe, sudskoj vlasti i javnim ustanovama u Federaciji Bosne i Hercegovine** (u daljem tekstu: Sindikat), sa sjedištem na adresi Obala Kulina Bana 1, u Sarajevu, kojeg zastupa Samir Kurtović, Predsjednik Sindikata, za članove Sindikata (u daljem tekstu: Kupac)

Član 1.

Ovim Ugovorom Prodavac i Kupac utvrđuju okvirne uslove za kupovinu usluga iz asortimana koji nudi Prodavac u svom sjedištu/poslovnom objektu.

Član 2.

Prodavac se obavezuje da će članovima Sindikata omogućiti gotovinski popust u iznosu od **3 % ili 3 mjesečnih rata po redovnim cijenama za ljetovanje, 4 mjesečnih rata za ostale aranžmane u organizaciji agencije, te 3 mjesečne rate za subagentske aranžmane.**

Popust od 3% se ne odnosi na kupovinu avio karata, aranžmana koji su na specijalnoj ponudi ili last minute i sl.

Članovi Sindikata su dužni prilikom rezervacije u poslovnici Prodavca odmah (prije realizacije/kupovine, prije izdavanja računa) priložiti člansku karticu uz ličnu kartu, te na taj način dokazati članstvo u Sindikatu i ostvariti pogodnosti iz ovog člana.

Član Sindikata po osnovu svoje članske kartice može ostvariti popust iz stava 1. ovog člana za još jednu osobu (supružnik, brat, sestra, roditelj, prijatelj/ica od korisnika), uz svoje prisustvo.

Član 3.

Prodavac će nakon odabira aranžmana izdati 2 primjerka ugovora i administrativne zabrane. Administrativna zabrana glasi na Poslodavca kod kojeg je uposlen član Sindikata, te istu ovjerava u skladu sa zakonskim i podzakonskim aktima koji regulišu tu oblast.

Poslodavac može ugovoriti poseban ugovor, kojim se definiše način plaćanja sa kupcem/članom Sindikata.

Prodavac po osnovu dostavljenog primjerka ovjerene administrativne zabrane ili potpisanog posebnog ugovora o kupovini robe/usluge između Prodavca u člana Sindikata, vrši rezervaciju.

Eventualne sporove u slučaju neplaćanja preostalih rata, nadležan je Općinski Sud u Sarajevu.

Član 4.

Poslodavac kod kojeg je uposlen član Sindikata dužan je postupati u skladu s ovjerenom administrativnom zabranom, te uplatu dospjelih rata obračunavati prilikom isplate plaće radnika za tekući mjesec na žiro račun Prodavca Ziraat Bank broj: 186 121 031 111 3932.

Jedan primjerak administrativne zabrane zadržava Prodavac, a drugi primjerak Poslodavac kod kojeg je uposlen član Sindikata.

U slučaju prekida radnog odnosa člana Sindikata kod Poslodavca kod kojeg je zaposlen kupac, član Sindikata, prije isplate cjelokupnog iznosa kupovine robe, Poslodavac je obavezan obavijestiti Prodavca, te izdati nalog da se kroz posljednju plaću izvrši obustava cjelokupnog duga po osnovu kupljene robe.

Ukoliko uposlenik, član Sindikata nema raspoloživa sredstva za obustavljanje dužnog dijela, uposlenik je obavezan da dug uplati direktno Prodavcu, prije prestanka radnog odnosa.

Član 5.

Ovaj Ugovor se zaključuje na neodređeno vrijeme, a svaka ugovorna strana ima pravo otkaza Ugovora uz obavezu da pismenu obavijest dostavi drugoj strani 30 dana prije najavljenog datuma otkaza.

Svaka strana ima pravo raskida ovog Ugovora ukoliko druga strana ne izvršava neku od obaveza iz Ugovora i bez davanja roka uz obavezu dostavljanja pismene obavijesti sa obrazloženjem i razlozima prekida ugovornog odnosa.

Član 6.

Ovaj Ugovor stupa na snagu danom potpisivanja, a traje do dana otkaza ili raskida jedne od ugovorenih strana.

Član 7.

Ovaj Ugovor je sastavljen u četiri (4) istovjetna primjerka, po dva (2) za svaku ugovornu stranu.

PRODAVAC

Br. 89/25
Datum: 28.05.2025



KUPAC

Br. 01-498/25
Datum: 28.5.2025.

Sandra Milanović, 061 208 595, info@alltravel.ba
WEB: <https://alltravel.ba/>
INSTAGRAM: [@alltravel.ba](https://www.instagram.com/alltravel.ba)